



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 14/02 2020

Geagte Ouers/Voogde

1. **Skoolhoofaanstelling:**

Dit is met groot teleurstelling dat ons verneem het dat mnr. Deon van Wyk nie die aanstelling as hoof aanvaar het nie. Ons is dankbaar vir die wyse waarop mnr. Pienaar as waarnemende hoof die skool bestuur, met mev. D. Bohnen as sy hulp.

2. **Klerebank:**

Mnr. Pienaar gaan voortaan die klerebank hanteer. Tye vanaf volgende week is as volg:
Dinsdae, Woensdae en Donderdae: 14:30 – 15:00

GEEN VERKOPE GEDURENDE SKOOLURE NIE.

3. **Toetsrooster:**

Die leerders het vandag hulle toetsroosters ontvang.

4. **Ekstra Wiskundeklas:**

Ekstra Wiskundeklasse sal op Woensdag, 19 Februarie, direk na skool tot 15:00 plaasvind.

Graad 6 & 7	Mnr. Terblanche
Graad 8 & 9	Me. Hatton-Jones
Graad 10 tot 12	Mnr. Schlechter

5. **Ekstra Visuele Kunsteklas:**

Daar word Woensdae ekstra kunsklasse in juf. Kritzinger se klas vanaf 14:15 tot 15:15 aangebied. Hierdie klasse is slegs vir graad 10-12-Visuele Kunste-leerders.

6. **Skaak:**

Leerders wat belangstel in skaak, kan op Maandag- en Woensdagmiddae, van 14.20 tot 15:00, in me Bohnen se klas vir skaakoefening aanmeld.

Daar sal ook op Dinsdag en Donderdag, gedurende die laerskool se sportperiodes, voorsiening gemaak word vir skaakoefening vir leerders wat nie betrokke is by rugby- en netbal oefening nie. Kontak me Bohnen skriftelik indien u kind hierdie keuse uitoefen.

Sportoefening is baie belangrik vir die ontwikkeling van elke leerder. Gevolglik,



is dit vir ons 'n prioriteit dat leerders die geleentheid kry om aan sport deel te neem.

7. **Radikale Redenaars:**

Leerders wat aan die Radikale Redenaars wil deelneem kan hul inskrywingsgelde by me Bohnen inbetaal. Inskrywings beloop R110.00 per item per inskrywing vir redenaars en R75.00 per item per inskrywing vir lees. Inskrywings sluit op 3 April. Die eerste uitdunronde vind op 7 Mei te Kareedouw plaas. Kyk op radikaleredenaar.com vir verdere inligting.

8. **ATKV-redenaars:**

Nege leerders gaan die skool by die ATKV-redenaars in Port Elizabeth verteenwoordig: Elzé Potgieter, Uli Terblanche, Miencke Strydom, Zander v.d. Westhuizen, Kevin Kennedy, Kara Roberts, Jessica Bester, Hermi Vosloo en Sjanique Alberts.

9. **Karoo 2 Coast – fietswedren: 20 September 2020:**

Ons soek bestuurders om deelnemers se voertuie van Uniondale na Knysna te neem. Die skool verdien R800 per voertuig. Indien u beskikbaar is, kontak Daleen Strydom by McLachlan by 042 2731335 of stuur 'n e-pos na info@hsmclachlan.co.za.

10. **Grannor Passi-projek:**

Hoërskool McLachlan loods weer in 2020 die Granor Passi-projek. Langkloofprodusente kan vrugte by die sappfabriek onder Hoërskool McLachlan se naam lewer. Die nommer waaronder u dit moet lewer, is **019**. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet met hierdie projek sal u 'n groot verskil kan maak. Die inkomste van die projek sal direk deur Granor Passi in McLachlan se rekening inbetaal word.

Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons die voortbestaan kan verseker.

11. **VCSV-kamp:**

Die gr. 5- en 6 -leerders word uitgenooi na 'n VCSV kamp te Jeffreysbaai op 28 Februarie tot 1 Maart. Die koste beloop R435 per leerder vir verblyf, etes en programmatiaal. Inskrywingsvorme kan by klasonderwysers en mnr. Schlechter afgehaal word en moet voor 24 Februarie met kampgelde terugbesorg word.

12. **Kringleierskamp:**

Die VCSV wil 2020 afskop met 'n lekker avontuurkamp vir ons 21 kringleiers by Louterwater Landgoed op Vrydag, 21 Februarie, tot Saterdag, 22 Februarie. Ons wil graag ons kringleiers geestelik toerus en motiveer vir die groot taak wat hulle vanjaar in ons kringe gaan verrig. Dit gaan 'n unieke McLachlankamp wees saam met mnr. Johan, ds. Jaco Botha en personeel.

13. **#Imagine 2020:**

#Imagine 2020 vind weer in die Maartvakansie se laaste naweek (27-29 Maart 2020) plaas. Dit sal by Mentoorskraal te Jeffreysbaai aangebied word en ons wil graag 'n bus vol VCSV-tieners saamvat na hierdie unieke geestelike tienerbelewenis waar lewens verryk word, hegte nuwe geestelike vriende



gemaak word en waar tieners op 'n eietydse manier 'n Christelike naweek saam met hul maats(gr. 8 tot 12) kan beleef.

Die kampkoste beloop R500 per persoon en leerders kan nou reeds met spesiale spaarbussies en fondsinsamelings begin om hulle sake reg te kry vir dié onvergeetlike naweek in ons jaar. Alle etes, programmateriaal is ingesluit en tieners bly in 'n avontuurlike tentedorp met baie sekuriteit. Daar is ook snoepies en verkopings op die terrein. Inskrywingsvorme kan by mnr. Schlechter verkry word, of tieners kan aanlyn registreer by www.imaginemovement.co.za. Ouers kan ook alle ekstra inligting op die webwerf lees of op "YouTube", reklame- en nuusvideo's volg. Graag wil ons ook ouers uitnooi om as vrywilligers/mentors/toesighouers/voorbidders te kom saam kamp. Kontak asb mnr. Johan Schlechter by die skool.

14. **Sportnuus:**

- **Karate:**

Miencke Strydom (graad 9) het op 1 Februarie op Uitenhage deelgeneem aan KSA-Oos- Kaapproewe. Sy het gekwalifiseer om vir die Oos-Kaapspan op 21 en 22 Maart in Durban deel te neem. Baie geluk.

- **Laerskoolkrieket:**

Uitslae:

Die 0/13-krieketseuns het Maandag, 10 Februarie, teen Paul Sauer gespeel. Ons het die dag goed afgesluit en het die wedstryd met 44 lopies gewen.

Die 0/11-krieketseuns het Woensdag, 12 Februarie, teen Paul Sauer gespeel en het met 2 paaltjies gewen.

Wedstryde:

Alle wedstryde van volgende week is uitgestel en sal eers die week daarna plaasvind.

- **Hoërskooltennis:**

Uitslae:

Die dogters se wedstryd op 11 Februarie is ongelukkig deur Pearson gekanselleer. Pearson het die punte aan ons oorgegee.

Die seuns het Donderdag, 13 Februarie, teen Pearson gespeel en ons het die wedstryd 13-4 gewen.

Wedstryde vir volgende week is as volg:

18 Februarie: Meisies: vs Alexander High [tuis]

20 Februarie: Seuns: vs Alexander High [tuis]

- **Atletiek:**

Saterdag, 15 Februarie, vind die LS-Kouga & Koukamma-atletiekbyeenkoms te Hoërskool Paul Sauer plaas.

Bustye:

Louterwater 7:00

Krakeelrivier 7:10
Skool 7:20
Ravinia 7:30

- Rugby- en netbaloefening:

Hoërskoolrugby en netbaloefeninge is direk na skool op Dinsdae en Donderdae.

Ons wil baie dankie sê aan alle buite-afrigters wat ons so goed ondersteun met afrigting.

S. Pienaar

S. PIENAAR

Waarnemende Skoolhoof: Hoërskool McLachlan

Posbus 3, Joubertina, 6410

Oos-Kaap, Suid Afrika

Tel: +27 (0) 42 273 1335

Fax: +27 (0) 42 273 1210



Hoërskool McLachlan

INTERNET
GENERATION



Wireless Internet
www.igen.co.za

McLachlan Internet Fasiliteit